

समे – 12:25 hrs.

<><><><><><>

Parliament Monsoon Session

संसद दे बरसांती आहली इजलास दरान अज्ज विपक्ष दे सदस्ये आसेआ बक्ख-बक्ख मंगे गी लेइयै कीते गेदे बरोध प्रदर्शन दे चलदे दौने सदने दी कारवाई च विघ्न पेआ ऐ। राज्यसभा च उपसभापति हरिवंश होरे दस्सेआ जे नियम 267 तैहत बक्ख-बक्ख मामले गी लेइयै 25 नोटिस हासल होए हे जिने गी नकारी दिता गोआ जिस पर विपक्ष दे सदस्ये हंगामा करी दिता। बरोधी सदस्ये दे हंगामे करी उपसभापति होरे राज्यसभा दी कारवाई गी दपैही 2 बजे तगर लेई स्थगित करी दिता। तोआई इससे किस्मै दी स्थिति लोकसभा च बी दिक्खने गी लब्धी। स्पीकर ओम बिरला होरे सदस्ये गी गुजारिश कीती जे ओह हंगामे ते प्रदर्शन गी छोड़िये अपनी सीटें पर बेही जान पर बरोधी धड़े दे सदस्य हथें च तख्तियां फगड़िये नारेबाजी करदे होई सदन दे बिच्चो-बिच्च आई गे जिस करी लोकसभा दी कारवाई गी पैहले दपैही 12 बजे तगर ते फही दपैहरी 2 बजे तगर स्थगित करना पेई गोआ।

<><><><><><>

India-UN

संयुक्त राष्ट्र च भारत दे स्थाई प्रतिनिधि परवथानेनी हरीश होरे आखेआ ऐ जे बन्ने पार आहले आतंकवाद गी बढ़ावा देआ करदे मुखे खलाफ गैहीं पुट्टियां जानियां लोइचदिआं न। जंदी 22 अप्रैल गी पहलगाम च होए दे आतंकवादी हमले दा जिक्र करदे होई उने आखेआ जे

भारत नै पाकिस्तान ते ओहदे गैर-कनूनी कब्जे आहले जम्मू-कश्मीर दे इलाकें च स्थित आतंकी ठिकानें गी निशाना बनाने लेई आपरेशन सिंदूर चलाया हा। उ'नें दस्सेआ जे एह अभियान पूरी चाल्ली केन्द्रित ते सीमित हा ते एहदे मगरा पाकिस्तान दी गुजारिश पर फौजी कार्रवाई गी रोकेआ गेआ हा। हरीश होरें आखेआ जे संयुक्त राष्ट्र सुरक्षा काउंसल दे धेड़ये मूजब, पहलगाम आतंकी हमले दे कसूरवारें खलाफ कार्रवाई कीती जानी लोडचदी ऐ।

<><><><><><>

India Pak

भारत नै पाकिस्तान दे नागरिक ब्हाई जहाजें पर मुख्यै दे घरेलू ब्हाई क्षेत्र च दाखल होने सरबंधी बंदश गी 23 अगस्त तोड़ी बदाई दिता ऐ। सिविल हवाबाजी सरबंधी केंद्री राज्यमंत्री मुरलीधर होरें एह जानकारी दिती। उनें आखेआ जे सामरिक सोच-विचार ते मौजूदा सुरक्षा स्थिति गी ध्यानै च रखदे होई एह फैसला लैता गेआ ऐ। पाकिस्तान आसेआ भारतीय ब्हाई जहाजें आस्तै अपना ब्हाई क्षेत्र 24 अगस्त तोड़ी बंद रखने दे फैसले मगरा एह जवाबी कार्रवाई कीती गेई ऐ।

<><><><><><>

CS-SBM

मुख्य सचिव अटल डुल्लू होरें जम्मू-कश्मीर च स्वच्छ भारत मिशन (ग्रामीण) दे दुए गेड़ ते दीन दयाल उपाध्याय ग्रामीण कौशल योजना (DDU-GKY) दे कम्में दी समीक्षा कीती। उनें ग्राएं च कूड़े दे प्रबंधन ते घर-घर जाइयै सैंपल किट्ठे करने सरबंधी सर्वेक्षण उप्पर जोर दिता।

उनें इस गल्लै गी यकीनी बनाने लेई ऑडिट करने दा आह्वान कीता जे एहदे राहें किट्ठे कीते गेदे आंकड़े जमीनी सतह पर हकीकतें गी दर्शादे न। स्वच्छ भारत मिशन (ग्रामीण) दे तैहत 18 लकख 29 करोड़ शा मते घरें च शौचालय ते हैल बनाने लेई ज्हरां गत बनाए गे न। ध्यानजोग ऐ जे अमरनाथ जातरा 2025 दरान 192 मीट्रिक टन कचरे दा प्रबंधन कीता गेआ। मुख सचिव होरें तेजिया कन्नै कम्म तोढ़ चाढ़ने ते बेहतर निगरानी करने दी अपील कीती।

<><><><><><>

DIPR-Competitions

स्वतंत्रता दिवस-2025 समारोहें दे हिस्से दे रूपै च जम्मू-कश्मीर सूचना ते जनसंपर्क मैहकमे नै देशभक्ति दी अभिव्यक्ति गी बढ़ावा देने दे मकसद कन्नै त्रै ऑनलाइन प्रतियोगितां शुरू कीतियां न, विशेष तौरा पर विद्यार्थियें ते नौजवानें आस्तै। इनें प्रतियोगिताएं च राष्ट्र गान गायन, “विकसित भारत @2047” विशे आहली इक निबंध लेखन मुकाबला ते ‘ड्रा योर फेवरिट फ्रीडम फाइटर’ शीर्षक कन्नै इक पेंटिंग मुकाबला शामिल ऐ। प्रतिभागी अपनी प्रविष्टियां, दरखास्तां आनलाइन जमा कराई सकदे न। प्रतियोगिताएं दे विजेताएं गी नगद ईनाम ते प्रमाण पत्र थोडन। सूचना ते जनसंपर्क मैहकमे नै नगरिकें गी इनें प्रतियोगिताएं कन्नै उत्साह कन्नै जुड़ने ते अपनी अवाज, दृष्टिकोण ते रचनात्मकता दा प्रदर्शन करियै इस स्वतंत्रता दिवस गी इक यादगार मौका बनान। इस बारे पूरी जानकारी मैहकमे दी आधिकारिक वेबसाइट पर दिक्खी जाई सकदी ऐ।

<><><><><><>

J&K-Rains

जम्मू संभाग दे मते सारे हिस्सें च अज्ज बड़लै थमां बरखा बरा करदी ऐ। रियासी जिले दे माहौर इलाके हेठ औने आहले बडोरा गांs च जंदी रातीं तकरीबन 2 बजे ल्हास-पस्सियें दे लपेटे च औने करी 2 श्रमिकें दी मौत जिस्सलै के इक श्रमिक घाऽल होई गेआ। एह सब्भै इक तम्बुयै च सुत्ते दे हे जिसलै ल्हास-पस्सियां इन्दे पर आई पेड़यां। मौसम विभाग नै औंदी 25 जुलाई तोहड़ी जम्मू संभा दिएं बक्ख-बक्ख थाहरें पर भारी थमां बड़ी भारी बरखा दी चेतावनी जारी कीती ऐ। मौसम विभाग नै लोकें गी सलाह दिती ऐ जे ओह नदिएं-नालें थमां दूर रौहन। मौसम दे सरते-हाल करी, अज्ज जम्मू संभाग दे रियासी ते राजौरी जिलें च एहतियात दे तौर पर सभनें सरकारी ते निजी स्कूलें गी बंद रक्खेआ गेदा ऐ। तोआई, भारी बरखें ते ल्हास-पस्सियां पौने करी जम्मू-श्रीनगर राश्ट्री जरनैली शिड़क गड़्डिएं दी आओजाई लेई बंद होई गई ऐ।

<><><><><><>

Fencing-JK

जम्मू-कश्मीर लेई इक बड़ी उपलब्धि दे तैहत साढ़े त्रै तलवारबाजी खड्गारी - रामबन दे बसनीक सूफियान वहीद सोहेल, बिलावर थमां रिशिका खजूरिया ते जम्मू थमां श्रीया गुप्ता, जर्मनी च होआ करदी वर्ल्ड युनिवर्सिटी गेम्स 2025 च हिस्सा लै करदे न। जंदी 16 थमां 27 जुलाई तगर होआ करदी इनें खेड़ें दे बारै च आकाशवाणी समाचार कन्नै चेचे तौर पर गल्ल करदे होई जम्मू-कश्मीर तलवाबाजी संघ दे महासचिव जावेद चौधरी होरें मुकामी खड्गारिएं गी

शुभकामनां दितिआं ते दस्सेआ जे 150 मुल्खें दे तकरीबन साङ्ढे 8 ज्हार खड्ढारी इस प्रतियोगिता च हिस्सा लै करदे न। उ'नें इब्बी दस्सेआ जे जम्मू-कश्मीर दे बसनीक विशाल थापर जंदी 22 जुलाई थमां जार्जिया च होआ करदी तलवारबाजी विश्व प्रतियोगिता 2025 च हिस्सा लै करदे न।

<><><><><><>